

Uunga siunnersuut: Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaannik allanngineq
(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Saqqummiussissut

Siullermeerneqarnera

Marsimi 2022-mi ilinniartitaaneq pillugu Naalakkersuisut isumasioqatigiissitsineranni aalajangigassatut oqaasertalerneqarpoq inuutissarsiutinik ilinniartitsinernut qinnuteqartunut ilinniakkamik aallartitsinissamik qulakkeerinnissinnaaneq kissaatigineqartoq, qinnuteqartoq sungiusarluni suliffissamut isumaqatigiissuteqarsimangikkaluarpalluunniit. Aamma suliamik ingerlatsisunit assigiinngitsunit uparuartorneqarpoq inuutissarsiutinik ilinniartitsinermut inatsimmi ilinniakkamik aallartitsinissamut sungiusarluni suliffissamik pissarsisimanissamik piumasaqaateqarnerup allanngortinneqarnissaa. Aalajangiinermut tunngaviuvoq anguniakkatut qulakkeerneqassasoq ilinniartut amerlanerusut ilinniakkamik aallartitsinissaanngornissaat taamaalillutillu piginnaassutsit pigineqartut atorluarneqarnerulerlutik.

Aalajangiineq Inatsisartut inatsisaannut atuuttumut aalajangersakkamik erseqqissumik ilanngussinikkut piviusunngortinneqassasoq siunnersuutigineqarpoq, taamatullu iliuuseqarnikkut lærlingitut isumaqatigiissuteqareernissamut imaluunniit ilinniartitaanissamut isumaqatigiissuteqareernissamut piumasaqaatit tunngavissat aalajangersimasut atuutsillugit tunngaviusumik inuutissarsiutinik ilinniartitsinerni ilinniartunngornissami saneqqunneqarsinnaanngussapput.

Tamanna isumaqarpoq, ilinniakkani aalajangersimasuni ilinniarfimmi tunngaviusumik ilinniarnert ukiumi siullermi ilinniartuunermi aallartinneqarsinnaanngussasut, taamaaliornikkullu ilinniakkami sungiusarluni sulinissat ilinniarnermi kingusinnerusumut illikartinneqarsinnaanngussallutik.

Siunnersuut naapertorlugu aalajangersagaq aatsaat atorneqarsinnaavoq tamanna ilinniartitsinermut pineqartumut pilersaarummut ilanngunneqarsimappat aamma ilinniartitsinermut pilersaarut Naalakkersuisunit akuersissutigineqarsimappat. Tamatumunnga tunngatillugu ilinniartitsinermut pilersaarutininik akuersissuteqarnissamut atugassarititaasunik piumasaqaatinillu Naalakkersuisut aalajangersaasinnaapput, soorlu ilinniarfiup ilinniakkap ingerlanerani kingusinnerusukkut sungiusarluni suliffissat isumagissanerai imaluunniit ilinniartut ilinniartunngortinneqarsimasut assigisaanik ingerlataqassanersut, soorlu ilinniarfimmi sungiusarluni sulinikkut.

Taamatut oqaaseqarlunga
oqaluuserisassanngortippara.

siunnersuut

Inatsisartunut

akuersaartumik